



Aningaasaqarnermut Naligiissitaanermullu Naalakkersuisoq

Ulloq: 27-02-2023

J.nr.: 01.31.06/23-01024

Aningaasaqarnermut Akileraartarnermullu Ataatsimiititaliap tallimangornermi ulloq 24. februar 2023-mi aalajangiineranik Naalakkersuisunut ilisimatitsineq.

Assammik arsarluni nunarsuaq tamakkerlugu pissartanngorniunnissamut Amerikap Avannarlerni anngunniunnerit ingerlanneqarnissaanut tapiissutit amerlineqarnissaanut atatillugu missingersuutitut sunniuteqanngitsumik nuussineq. Ataatsimiititaliap suliaa nr. 01.31.06/23-01024 **TUAVIORTOQ**

”Naalakkersuisut inassutigaa,

una kontumi pingaarnermi 40.94.13 Timersornermut Tapiissutini aningaasaliissutit 2023-imi Nunarsuarmi pissartanngorniarnernut anngunniulluni Amerikami Avannarlerni anngunniunnissanut aalajangersimasumik atugassatut 2,6 mio. kr.-nik amerlineqassasut, aammalu

una kontumi pingaarnermi 84.40.14 Kulturimut timersornermullu atatillugu sanaartorneq, pilersaarut nr. 54.007 Illorsuit timersortarfiit iluarsaannissaannut tapiissutit aningaasaliissutit, 2023-imi 2,6 mio. kr.-nik ikilineqassasut.”

una pineqartoq Inatsisartut Aningaasaqarnermut Ataatsimiititaliaanit februaarip 21-ani 2023 suliarineqassasoq nukinginnartuunera pissutigalugu.”

Aningaasaqarnermut Ataatsimiititaliap oqaaseqaatai

Matumani inassuteqaatit pillugit ataatsimiititaliap Naalakkersuisut qujaffigai. Suliap akuerineqarneranut atatillugu ima apeqquteqarnissani ataatsimiititaliap aalajangiuppaa:

- Aningaasat konto pingaarnermi 84.40.14-imi, Kulturimut timersornermullu atatillugu sanaartorneqarnermut tunngasumi, pilersaarut nr. 54.007-imit, Illorsuit timersortarfiit iluarsaannissaannut tapiissutitut tunngasumit, tiguneqassasut ataatsimiititaliamit maluginiarneqarpoq. Minnerunngitsumik sinerissami illorsuit timersortarfiit amerlasuut aserfallatsaalineqarnissamik pisariqartitsisut ataatsimiititaliamit ilisimaneqarpoq. Taamaattumillu ilassutitut aningaasaliissuteqarnissamik qinnuteqaammut matumunnga aningaasaliussassat pilersaarut nr. 54.007-imit,

Illorsuit timersortarfiit iluarsaannissaannut tapiissutitut tunngasumit, soq tiguneqassanersut paasissutissiissutigineqassasoq ataatsimiititaliamit kissaatigineqarpoq.

- Illorsuit timersortarfiit aserfallassimasut iluarsaanneqarnissaannut Naalakkersuisut qanoq pilersaaruteqarnerat siuliani apeqqummut nangissutitut paasissutissiissutigineqassasoq ataatsimiititaliamit kissaatigineqarpoq.
- Aningaasat ukiuanni 2023-mi aningaasaliissutit ikilissutissaattut kissaatigineqartut ukiumut aningaasaliissutit affaasa sinneraat ataatsimiititaliamit maluginiarneqarpoq. Kiisalu ukiuni missingersuusiorfiusuni aningaasanik immikkoortitsisoqarsimangitsoq ataatsimiititaliap maluginiarpaa. Tassunga atatillugu illorsuit timersortarfiit iluarsaannissaat pillugit Naalakkersuisut kommuninik suleqateqarnersut aammalu aningaasaliissutit taama ikitsigisut atugasiiissutigineqarnissaannik naatsorsuutiginninnermut suna pissutaanersoq paasissutissiissutigineqassasoq ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangenera

Siuliani allassimasutut oqaaseqaateqarluni Naalakkersuisut inassuteqaataat ataatsimiititaliamit akuerineqarput.

Ataatsimiititaliaq sinnerlugu



Hans Peter Poulsen

Ataatsimiititaliap siulittaasua